

Comité - Schnitzelbank



Schmurassia Studente Clique 1932

Uns het am Stamm - im Paradys
Scho lang e Wunschtraum quält -
Drum hänn mir au zem Ehrefux
Die Negergumale gwählt!
Doch het die Mor, die Schosephin,
Birytte Lunte gschmeegt
Und het - statt em Bananegrantz -
E Glaid-ums Fygli glegt.

Der Felix - isch e grosse Ma
Me schänkt em s' Birgerrächt
Damit er wieder hola ka
E Stärn bim schwache Gschläch
Mer winsche ihm zum fünfte mol
Viel Glück bi Tag und Nacht
Und hoffe, dass bim Schatz er nit
Nur Kammermusig macht

Im grosse Rot - e schwarze Ma
Regt sich mainaidig uff,
Er sait: - Das Wyberturnglaid gsäch
Me heegstens immene Bull!
Dr Huuser sait: - „Fir dä Verglych
Mues Ain - Erfahrig ha!
Die Vote luege mir gärn als
Expärte Mainig a!

Fir's Stadtplan - Biro wär schynts z'dumm
E Schwyzer - Archideggt -
E Schwob - wird yne gschlänggeret drum,
Sunscht wär dr Dingg verreggt.
Das kah aim hitt nimm wundernäh -
Lueg nur im Grosse Rot:
Dert fällt jo Ain - au langsam uff,
Wo Baseldytch - verstoht.

Es isch e kai so wytte Wäg
Vo Schwarz bis Roserot
Wenn's bi dr brave Schwyzerkueh
In Bärn ans Mälche goht.
Am Motta - Jubiläum het
(Wie's kunnt,- so mues me's näh!)
Dr Schulthess drum sym schwarze Frind
E Schmutz uff d' Schnure gä!

's goht Kind und Kaigel, - Gaiss und Bogg
Ins "Egliseelebad",
Und mänge Glushti bringt dert uss
D' Stilaue kuum me grad:
's git Scheefigs, - Kalbfleisch, Schwynaigs und
Au sehr vyl Ressigs z'gseh -
Fir wenig Gäld - gesech niene so -
Ne Fidle - Parking meh!



**Kemmet Alli am Sunntig
No dr Fasnacht, zobe am
Siebenl zum Schlusskon-
zert in Musigsaal!**